

皇清經解續編

皇清經解集編

皇清經解續編卷百三十四

南菁書院

天子肆獻裸饋食禮纂一 荆溪任啟運翼聖著

儀禮特牲饋食禮諸侯之士之祭禮也少牢饋食禮諸侯之

卿之祭禮也

特牲豕也少牢羊也天子之大夫得用太牢曲禮云大夫以索牛是也其禮與諸侯之大夫有

同有異略見詩楚茨篇薦血腥爲朝事薦熟爲饋食諸侯之大夫士有饋食無朝事故皆以饋食名篇

天子諸

侯之祭禮亡矣今姑取其散見經傳者纂而輯之曰肆獻裸

饋食禮纂使論禮者有考焉

周禮以肆獻裸享先王以饋食享先王鄭氏元曰肆獻裸祫也

饋食禘也王氏肅曰宗廟既裸而獻既獻而肆肆謂薦血腥也既肆乃饋熟愚按孔子言禘自既灌而往何以禘名饋食

鄭說非也禮先裸後肆而先言肆者以血腥與薦熟對言之明非臣所有也或曰肆旅也及羣廟故旅獻裸

朝事

朝事亦名朝踐踐音翦殺也殺牲之事在朝故曰朝事

天子宗廟之祭春日禘夏曰禘秋曰嘗冬曰烝禘禘禘禘嘗禘

烝祫據王制皇甫氏侃曰祫薄也春物未成祭品鮮薄祫第
可進者眾故曰烝愚按詩言禴祀烝嘗蓋祫即禴禘即祀古夏
祭原以禘名後以禘為大祭故變文以別之以其祭於巳月故
謂之祀晉人曰寡君未禘祀猶兼言
之而其文又通為祠也值特祫合也

右時祭四 周禮以祠春享先王以禴夏享先王以嘗秋享

先王以烝冬享先王

春官之祀此春夏文倒耳

傳曰祭不欲

數數則煩煩則不敬祭不欲疏疏則怠怠則忘故君子合

諸天道春禘秋嘗

以禘屬春誤同周禮

霜露既降君子履之必有悽

愴之心非其寒之謂也春雨露既濡君子履之必有恍惕

之心如將見之

祭義

禘陽義也嘗烝陰義也禘者陽之盛

也嘗者陰之盛也故曰莫重於禘嘗

祭統

禘為陽盛陰退

而縮故嘗為陰盛

子曰嘗禘之禮所以仁昭穆也明乎嘗禘之禮

治國其如示諸掌而已乎

仲尼燕居

三年大禘五年大禘五年而再殷祭

據公羊傳上禘烝止及七廟此大禘

大禘大烝也

則兼及毀廟上禘禘亦止及七廟此大禘則追所自出與毀廟故特言大以別之殷盛也中也

右大祭二

周禮四時之閒祀追享朝享

春官

閒祀不嘗舉也追享大禘也

以追所自出故曰追享朝享大禘也合於太廟若大朝然故曰朝享

禮不王不禘王者禘其

祖之所自出以其祖配之諸侯及其太祖

大傳

鄭曰禘郊配天也王者

感太微五帝之精以生若商則白招拒周則靈威仰也祭法有虞氏禘黃帝鄭又曰禘祭昊天於圜邱也於南郊曰

郊於圜邱曰禘王氏非之謂禘乃宗廟之大祭非於圜邱於南郊愚謂身所自出父也父所自出祖也推而上之至

始祖止矣夫始祖所自出即天也周祖后稷履大人迹而生故詩止言姜嫄周禮享先妣皆不言高辛是周非高辛

後也夫人之生其始以氣化天地即父母也其後以形化父母即天地也后稷有母而無父受氣於天成形於母此

氣化形化之交天與人之際也周公禘所自出於廟無主虛位而東向以爲天也可以爲祖也可此聖人明於天人

之故而仁至而義盡也王氏據史記以帝嚳為后稷父周公所不言而史遷知之乎若契之出於帝嚳則帝嚳居亳而盤庚言湯居亳為從先王居有明證矣祭所自出為禘不及所自出為禘諸侯止及太祖則有禘而無禘矣

傳曰禘祭以夏四月夏者陽氣在上陰氣在下故正尊

卑之義也禘祭以冬十月冬者五穀成熟物備禮成故合

聚飲食也

東觀記

禘諦也欲使昭穆之次諦審而不亂

邢昺爾雅

疏大禘毀廟之主陳於太祖未毀廟之主皆升合食於太

祖

公羊傳按禘禘之說先儒互異以時而言三年一禘五年一禘劉向說也三十月禘又三十月禘徐邈說也

四月禘五月禘趙匡說也四月禘十月禘張純說也禘可春可夏禘必以秋某氏說也三年喪畢遷主于廟曰禘在

即吉之月無有常期杜預說也喪畢遷主孫逖居王父之處禘之為言遞也劉歆賈逵鄭眾說也三年喪畢合先君

之主於祖廟曰禘明年乃禘於羣廟鄭元說也以等而言禘大禘小鄭元賈公彥說也禘大禘小王肅何休說也取

其序昭穆曰禘取其合羣主曰禘禘為一孔穎達說也天子三年大祭曰禘而侯三年大祭曰禘大夫三年大祭

曰殷陳祥道說也王者有祫有禘諸侯有祫無禘張子說也
也以所祭而言祫取未遷廟主合食太廟禘取已遷廟主
合食太廟通義說也祫及壇墠禘及郊宗石室馬融說也
祫皆合食太廟禘則王季以上合食后稷廟成王以下凡
穆合食文世室康王以下凡昭合食武世室鄭氏說也祫
禘皆分此三廟陳祥道說也祫兼毀廟親廟又追所自出
趙匡說也祫止兼親廟毀廟禘兼親廟毀廟又追所自出
程子說也祫祫功臣皆合食太廟蔣氏說也禘及功臣祫
不及功臣何休說也禘及者遠祀先后並及功臣蘇軾說
也禘不及羣廟祫烝則及功臣楊復說也禘有大禘有夏
禘祫有大祫有時祫馬端臨說也禘只時祭非大祭張存
中說也烝嘗皆祫而不大惟祫禘爲大故名曰大祫天子
之禘追所自出魯禘不追所自出近世萬斯大說也愚謂
先王之祭有隆有殺有疏有數數而殺者所以親親疏而
隆者所以尊尊殯宮之祭止於三年禮所謂朝夕奠國語
所謂日祭也三年附廟後高曾祖考皆月一祭國語所謂
月祀也七廟之主四時皆一祭春則植夏秋冬則祫國語
所謂時享也三時皆祫故謂之時祫至三年則於冬祫獨
隆其禮親廟毀廟皆合食太祖功臣與焉以其大於常時
之祫烝故謂之大祫又謂之大烝周禮所謂朝享也又三
十月當夏禘時又獨隆其禮上追始祖所自出止及毀廟
而親廟之主不復升合食功臣亦不與焉以其大於常時

之禘故謂之大禘周禮所謂追享也其不謂之大禘者
親廟不合食也禘以四月禘以十月首時之正卜而不吉
則在仲月故周禮以仲月明其極趙匡因謂禘以五月也
喪三年不祭喪畢則舉大祭以遷主而附廟當春夏則舉
大禘而親廟之主亦升合食以便於遷當秋冬則舉大烝
故杜預以禘爲除喪劉賈以禘爲遷主鄭謂三年喪畢則
禘重故王何謂禘大禘小禘以兼親廟及功臣則大禘煩故
鄭賈謂禘大禘小諸侯不追所自出則禘與禘同故孔陳
謂禘禘一也周末世遠主煩太廟之室不足以容故自成
康以下分禘於文武之廟此又趙匡不及羣廟之說所自
起而朱子因之竝謂止以始祖配而毀廟親廟之主皆不
及也惟權衡於隆殺之宜疏數
之節則諸儒之說一以貫之矣

將祭必卜日先卜一日肆師爲期卜之日冢宰大宗伯帥職事

而卜肆師詔相龜人奉龜太史眠墨太卜眠高命龜卜師作龜

據周禮

肆師下大夫龜人中士太史太卜皆下大夫卜師卽

卜人下士五官皆宗伯之屬也冢宰無所不統而大宗伯尤禮

官之長故帥職事以卜眠視通墨以墨塗當卜處使圻易見也
高龜骨近足可卜處春卜後左夏卜前左秋卜前右冬卜後右

太卜指以示宗伯而遂告龜以所卜之事也作鑽灼之也按禮士筮不述命大夫卜述命諸侯再述命則天子當親命之宗伯受命命太史太史告太卜太卜乃命龜凡三述命也

右卜日 記曰外事用剛日內事用柔日

表日用丁巳 少牢外

事征伐巡狩之事剛日甲丙戊庚壬也內事昏冠喪祭諸事柔日乙丁己辛癸也用丁巳所謂柔日賈氏公彥曰亦取其令名自丁寧自變改

凶事先遠日吉事先近日

禮曲卜

來月上旬

儀禮中旬上旬祭以致敬故先卜下旬下旬不吉乃及

及中甸

易抱龜南面天子衮冕北面

祭義

凡卜皆祭服

據少牢

易掌易之人此謂當卜時若初受命則天子當西面凡卜祭服以交於神明也

君占體大夫占色

史占墨卜人占圻

周禮龜圻而後墨見墨見而後色著色著而後體定賤察其詳貴視其略也

辭曰孝王某卜日丁亥用薦歲事於先王尚饗

某名也丁亥舉

一以例之先公亦稱王統辭亦述命命龜曰假爾泰龜有尊之也國語我先王后稷不窋

常孝王某卜日丁亥用薦歲事於先王尚饗

仿少牢大禘禘則當

日大

傳曰先筮而後卜卽事有漸也筮凶則不卜故曰

卜筮不相襲也

鄭氏說

卜不過三禮以三爲成也

王氏說

三卜

不吉則以仲月上旬祭周禮祭宗廟以四仲非孟月不得

祭言下限也

參左傳疏

卜得吉遂戒內宰宿后夫人王齊於外后夫人齊於內冢宰誓

戒百官大宗伯申戒大司寇涖誓並戒百族太史與羣職事讀

禮書而協事宰夫以法式戒具與其薦羞祭僕警有司及百官

之戒具司士戒士遂師審其戒誓布於國中王齊膳夫日三舉

玉府共食玉鬯人共浴鬯巾車共齊車

據周禮參祭義內宰下大夫統治宮中之事

宿聲通猶戒也宰夫下大夫掌朝廷之位二官皆冢宰之屬祭僕中士掌受命於王以眡祭祀司士下大夫掌羣臣之服皆司

馬之屬遂師下大夫掌遂之戒令司徒之屬也百官有列於朝者百族無爵而得與祭王謂王之族姓鄭謂府史胥徒愚謂若私臣及賓弟子兄弟之子皆是也冢宰誓而司寇蒞之者劉氏謂禮大人眾非刑不肅也內而宮中外而百官百族遠而至於六遂之地無不戒焉合眾人之敬以為敬也膳夫下大夫掌王食飲膳羞玉府上士掌王金玉貨賄皆冢宰之屬殺牲盛饌曰舉日三舉舊云不食餒餘惡藝也鄧氏曰當作不舉防散志滑精也食玉鄭氏眾曰食玉之屑王氏曰助精明之養也鬯人下士掌其秬鬯巾車下大夫掌王之五路后之五路皆宗伯之屬王浴以鬯襲其香也

右齊戒

齊必變食居必遷坐

論語

齊者不樂不弔

曲禮

玄冠丹

紕纓諸侯之齊冠也玄冠綦組纓士之齊冠也

玉藻

天子當朱組

纓

朱深而丹稍淺綦蒼艾色傳曰齊之玄也以陰幽思也

齊則結結佩而爵韞

同上結屈也

鄭曰屈而結之思神靈不在事也

必有明衣布

論語

明衣浴竟着之必貴潔也其以布貴誠也

有寢衣長一身有半

同上

不齊則角枕錦衾

詩毛傳

天子之寢

衣或錦衾有不備歟或衣寢衣而加衾心愈恭歟

君齊車羔幣豹犢

玉藻

天子齊車

羔臂虎植

幣覆式也植緣也以虎豹皮緣羔皮覆之式上也

傳曰齊之為言齊

也心不苟慮必依於道手足不苟動必依於禮專致其精

明之德以交神明也

祭統

先期十日先戒尸

據賈疏擇可為尸者先戒之以待卜

右戒尸 記外事尸異姓內事尸同姓非宗廟則尸不以同

姓

孔疏外事郊社山川五祀若周公郊以太公為尸祭泰山以召公為尸也內事宗廟之事

孔子曰

尸必以孫無孫則取於同姓

曾子問必以其人之後一氣屬也

孫可為王

父尸

昭穆同也

子不可為父尸

並曲禮昭穆異也

父在子不為尸

內則嫌

於父拜其子也

尸必以其適

鄭注

不以庶不敢以賤者依吾親也

天子尸以卿諸

侯尸以大夫

鄭注

大夫士尸用無爵者

孔疏

天子尸不以公諸侯尸不以卿為

疑也明嫌之義也詩言公尸疏曰言此卿之尊比於下土諸侯諸侯得稱公實非公也卿不足則取諸卿以下大夫

不足則取諸大夫以下尚爵也不敢以賤者依吾親也雖尚爵猶必取諸同姓昭穆之適也大夫士尸無爵避君也

孔曰大夫士尸無問長幼故孔子曰孫幼使人抱之無祿者稷饋稷饋者無尸也

禮無祿謂庶人稷饋孔子曰尸弁冕而出曾子問孔無性也無尸賤不備禮

於君故尸服父祖自祭之上服人鄉大夫士皆下之敬其君禮仲故尸服助祭於君之上服

也君知所以為尸者則下之尸必式曲禮孔曰君出與尸遇散齊時也君下

而尸式廟門之外未全乎尊不敢與君敵體也若敵則皆下矣尸乘必以凡安之也必有

前驅曾子問使人避之尊也

先期三日卜尸卜吉再宿尸據賈疏前但戒以當此則以卜吉告也

右卜尸記卜不吉則改卜鄭辭命曰孝王某來日丁亥用

薦歲事於先王以某之子某為尸尚饗據少牢上某尸父字下某尸名也

鄭曰字尸父尸父已亡尊鬼神不名也連其父者欲神易知而憑依之也

宿者尸門外北面尸出門左南面宗人僎宿者再拜祝致辭尸

拜許諾宿者又拜稽首尸送揖不拜據賈疏推之按大夫士

尊不迎尸則不親宿尸可知君在廟門外則全于君尸不可以

君臨之不親宿以尊尸也凡祭祀天子有故則宗伯攝又大事

則冢宰涖事是冢宰宗伯皆可攝也北面不東面不為賓也尸

南面天子諸侯尸尊也若大夫則尸西面而主人遂東面以順

之士禮有祝有僎大夫即以祝僎避君也天子諸侯必備祝僎

可知僎之數天子當六人上公五侯伯四子男三也祝致辭以

與神接也祝致辭則僎無辭矣士卑尸不送大夫尊尸雖宿猶

送天子諸侯彌尊尸必送也不拜送尸既宿則尊也不拜送而

拜諾尸在廟門外未全乎尊也

右宿尸 辭致命曰孝王來日丁亥用薦歲事於先王卜子

為先王其尸得吉卜敢宿按天子不名廟中乃各此但稱

乃致齊王致齊於外后夫人致齊於內祭統申戒諸與祭者

右致齊 傳散齊七日致齊三日散齊於外致齊於內齊之

日思其居處思其笑語思其志意思其所樂思其所嗜齊

三日乃見其所為

齊者

祭義 散齊若不樂不御不弔之類其出入則猶有之致齊則更專

一但居正寢之中

不復出入也齊之日以致齊言賈曰齊三日而已孔曰大夫散齊九日致齊

士不得散齊但致

一日故少牢禮前一宿尸賓也

宿諸官致齊

據賈疏

宗伯請祭期王曰比於子

據少牢 祭期謂時之早晏祭期有定而必請者尊命也比於子言比次

早晏在子尊禮也

右請期

記請期必

朝服

卜日祭服聽於神也請期朝服聽於君也

傳夏后氏

祭其闇般人祭其陽周人祭日以朝及闇

祭義 未鄉晨為闇日尚黑也

日既出為陽日色白也以朝及闇謂日始出日色赤也夏尚黑殷尚白周尚赤故始祭時其異如此方氏慤以闇為

日既沒

恐非

先祭一日司徒奉牛封人飾牛設其楅衡置其綏宗伯奉雞司馬奉羊司寇奉犬司空奉豕服不氏奉猛獸豕宰大宗伯省牲小宗伯從充人告牲大宗伯眡滌濯宰夫從肆師詔相饗人漑鼎廩人漑甑甗司宮漑豆籩及勺爵禮畢告備於王據周禮少牢禮人中士充人下士皆司徒之屬飾謂刷治潔清之楅衡施於牛角所以止觸絛著鼻繩也牛士畜鷄木畜羊火畜犬金畜豕水畜故各以其官奉之天子有馬牲於易乾為馬坤為牛疑天官奉之周禮不言豕宰尊空其文也秋官大司寇喪祭奉馬牲知非喪司寇不奉也服不氏主服猛獸之不服者下士一人司馬之屬牲體全備曰牲饗人即內饗中士豕宰之屬廩人中大夫司徒之屬司宮疑即宮正

右省牲視濯 記大夫攝官諸侯兼官天子六官具 周禮

牧人掌牧六牲祭祀供其犧牲以授充人充人繫於牢芻

之三月土一牲豕大夫二牲加羊諸侯三牲加牛公四牲加大 傳古者天子諸侯

必有養獸之官擇其毛而卜之吉然後養之君皮弁素積

朔月月半君巡牲所以致力孝之至也

祭義按孔疏土視牲視穀別日大

夫視牲視穀不別日避君也則天子諸侯必前一日省牲

記諸侯夫人先夕視濯天

子先夕大宗伯視濯

據詩采繁疏按孔疏王后不親視濯故大宗伯代之士妻得與夫人同

而特牲禮宗人視濯或士妻有故不得與則宗人代之也大夫妻前一日無事

祭之日雞人夜嘑旦以踞百官巾車鳴鈴以應雞人司烜其明

燭墳燭庭燎宮正執燭掌次張旅幕張尸次太史執書以序位

常

據周禮雞人下士宗伯之屬司烜下士司寇之屬宮正上士掌次下士皆冢宰之屬漏未盡三刻雞鳴之時則雞人呼

旦以徹百官早起而巾車則鳴鈴以應之見夙駕也明燭在堂以照陳饌墳燭在門內庭燎在門外以照出入旅幕公卿眾官之幕公卿以下皆於門外以待事人多不能獨設故張大幕以待之尸次尸更衣之次書尊卑昭穆位次之冊太史執以序之

使不素也